



我唔係自戀狂

【藝術家 林慧潔】

我係林慧潔，樹林個林，智慧個智，清潔個潔，我鍾意影相，唔拍/like。哈哈，我鍾意玩自拍，唔係因為我有自戀狂，如果有人要收藏我呢啲相，我諗都會幾驚。咁啱有人買咗一幅相，好彩得自己隻眼睇張相度，但咁都有人要，真係幾搞笑。

自拍像對於我來講，係證明林慧潔曾經嘅一個空間出現過，呢個係事實，但係好多人對我講，點解自拍像中嘅林慧潔會咁疏離？好似唔存在一樣？久而久之，我先發現相片中的我，是希望用第三者嘅身份去看一個攝影者與被攝者。我唔係精神分裂的，我諗。

我幾乎見到會反映身體部位的東西，就會按下快門，玻璃、鏡、閉路電視機，甚至自己的舊照片，我大概很希望讓自己知道真係存在這個世界上，記得有一次，我在一個鋪滿枯葉的公園裏，走着走着，聽到一路沙沙的響，在嘅一剎那，我才感到自己真的存在。

我自九六年開始，在倫敦、香港、多倫多、意大利等地，大大小小開過二十五次個人展覽或聯展，我有受過專業攝影訓練，但有乜所謂？我讀Law，三出身嘍嘛。

【撰文：譚艾敏 攝影：潘苑玲】

